



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-1-40-148-4/23**
Datum: **05.07.2023. godine**

„Agencija za vodno područje rijeke Save“ Sarajevo (u daljnjem tekstu: Agencija) rješavajući po zahtjevu Investitora „SINIAT“ d.o.o. Bihać, za izdavanje prethodne vodne saglasnosti za prikupljanje, odvođenje, tretman i ispuštanje tehnoloških (industrijskih) otpadnih voda sa prostora površinskog kopa ležišta gipsa „Bukvarine“, sa pratećim objektima, u naselju Rajnovci, općina Bihać, na osnovu člana 109. stav 1. tačka 2. i 3. Zakona o vodama („Službene novine Federacije BiH“, broj 70/06) i člana 200. Zakona o upravnom postupku („Službene novine Federacije BiH“, broj 2/98, 48/99 i 61/22), donosi:

RJEŠENJE **o prethodnoj vodnoj saglasnosti**

1. Daje se prethodna vodna saglasnost Investitoru „SINIAT“ d.o.o. Bihać za prikupljanje, odvođenje, tretman i ispuštanje tehnoloških (industrijskih) otpadnih vode prilikom izvođenja radova na eksploataciji mineralne sirovine (gipsa) sa radnih, otkopnih, manipulativnih površina i drugih pratećih objekata u postupku dobijanja urbanističke saglasnosti i okolinske dozvole, a čije su granice istražnog polja odobrene Rješenjem Federalnog ministarstva energije, rudarstva i industrije Up/I broj: 06-18-84/07 dana 26.12.2007. godine, odnosno urbanističkom saglasnošću izdanom od strane Federalnog ministarstva prostornog uređenja, broj UPI/06-23-2-27/06, dana 22.10.2007. godine.

- 1.1 Površinski kop „Orašac-Kulen Vakuf“, nalazi se u naselju Rajnovac, općina Bihać. Ukupna površina istražnog prostora zauzima površinu od 80,52 ha a površina predloženog eksploatacionog polja prema studiji iznosi oko 12,88 ha ograničenog koordinatama X i Y:

tačka	Koordinate istražnog prostora	
	X	Y
A	5 586 500	4 939 930
I	5 586 870	4 940 330
J	5 586 840	4 941 310
K	5 586 780	4 941 390
L	5 586 780	4 941 800
M	5 586 380	4 941 820
N	5 586 270	4 841 280
O	5 585 630	4 941 110
P	5 585 430	4 941 020
R	5 585 320	4 940 550
S	5 585 570	4 940 150
T	5 585 820	4 940 440
U	5 586 150	4 940 330

- 1.2. Ova prethodna vodna saglasnost, se odnosi isključivo na ispuštanje tehnoloških otpadnih voda iz planiranih objekata na prostoru koji je definisan tačkom 1. ovog rješenja i ne oslobađa podnosioca zahtjeva obaveze pribavljanja prethodne vodne saglasnosti za zahvatanje i ispuštanje sanitarnih otpadnih voda, za čije je izdavanje nadležno Ministarstvo poljoprivrede, vodoprivrede i šumarstva Unsko-sanskog kantona u skladu sa članom 139. Stav 2. tačka 1. Zakona o vodama (Službene novine Federacije BiH, broj 70/06).
2. Prethodna vodna saglasnost se daje na osnovu činjeničnog stanja utvrđenog pregledom dostavljenje dokumentacije i pod slijedećim uslovima:
- 2.1. Izraditi i revidirati investiciono-tehničku dokumentaciju, na nivou Glavnog projekta, koja treba obraditi slijedeće: definisati prateće objekte i objekte infrastrukture ukupnog prostora na kojem će se nalaziti pogoni i postrojenja operatora površinskog kopa, odnosno ukupne otpadne vode koje nastaju pri eksploataciji mineralne sirovine gipsa na lokalitetu površinskog kopa „Bukvarine“ prema priloženoj studiji, (sanitarno-fekalne, površinske-oborinske otpadne vode, tehnološke otpadne vode, površinske nazagađene otpadne vode i površinske-oborinske otpadne vode sa kratera kopa).
- 2.2. U investiciono-tehničkoj dokumentaciji treba dati rješenje snabdijevanja tehnološkom vodom za potrebe proizvodnje, pranja pri servisiranju rudarsko-građevinskih mašina i za obaranje prašine na transportnim putevima i radnim površinama. Projekt treba da sadrži odgovarajuće hidrauličke proračune, podatke o zahvaćenim količinama vode, predvidjeti ugradnju mjerača protoka i sl. Zahvatanje vode u količini do 10 l/s zahtjeva izdavanje odgovarajućeg vodnog akta koji će Investitoru izdati kantonalni organ uprave nadležan za poslove vodoprivrede.
- 2.3. U projektu treba dati rješenje prikupljanja, odvodnje i tretmana otpadnih površinskih voda koje nastaju na parking površinama, perilištima, radnim platoima, prostorima na kojima se vrši pranje i čišćenje radnih mašina, radionica za popravku radnih mašina, skladište maziva i ulja, koje su opterećene suspendovanim materijama, mastima i uljem i koje se trebaju odvojenim sistemom kanalizacije odvesti do taložnika suspendovanih materija, a onda na separator ulja odgovarajućeg kapaciteta. Prečišćene vode iz separatora ulja se mogu ispustiti u recipijent.
- 2.4. Oborinske vode, sa prostora površine kratera kopa, planirane za preradu i skladištenje gotovih proizvoda, koje mogu biti zauljene produktima naftnih derivata od radnih i transportnih mašina i koje sadrže suspendirane materije, se moraju odvesti do taložnika odgovarajućeg kapaciteta, nakon taloženja iste sprovesti u recipijent.
- 2.5. Investitor je obavezan da u cilju zaštite okolnih izvorišta vode, koja se nalazi unutar podslivnog područja potoka Lončić, od zamuljenih oborinskih voda predvidi izgradnju taložnih bazena u koje će se prikupljati sve oborinske vode sa radnih platoa, parking prostora i dugih manipulativnih površina. Parking prostor i prostor pretakališta nafte i pranja i održavanja mehanizacije je potrebno asfaltirati sa nagibom prema slivnicima unutar tog prostora, te ih oivičiti. Izbistrena voda nakon taloženja, oslobođena suspendovanih materija može se ispustiti u recipijent. U dokumentaciji mora biti naznačen način i lokalitet odlaganja istaloženog mulja iz taložnika.
- 2.6. Skladište ulja i maziva je potrebno natkriti ili izgraditi namjenski objekt za skladište i pretakanje ulja i maziva te uraditi podnu ploču od vodonepropusnog betona otpornog na dejstva hemikalija.
- 2.7. Projektom hidroinstalacija (vodovod i kanalizacija) mora se obraditi način zahvatanja i distribucije vode do svih mjesta istakališta vode (odvojeni sistem za sanitarne i tehnološke potrebe), a za kanalizacioni sistem, isprojektovati separatnu kanalizaciju za oborinske nezagađene vode, sanitarno-fekalne vode i tehnološke otpadne vode. Projektom riješiti pitanje prečišćavanja svih otpadnih voda i način ispuštanja prečišćenih voda u definisani recipijent. Lokalitet ispusta prečišćenih voda mora biti naznačen na situaciji adekvatne razmjere.

- 2.8. Otpadno ulje (rabljeno ulje), zauljeni otpadni materijal (filteri, krpe, pucvale i slično), ulje iz separatora, te talog iz taložnika potrebno je prikupljati u zasebnu ambalažu strogo vodeći računa da se trajno ne odlažu na vanjske i unutrašnje prostore. Zbrinjavanje ovih otpada treba povjeriti firmi ovlaštenoj za zbrinjavanje opasnog otpada.
 - 2.9. Metalne otpade potrebno je sakupiti u namjenske posude do odvoza od strane firme koja ovaj otpad koristi kao sirovinu.
 - 2.10. Investitor u tehničkoj dokumentaciji treba dati takva rješenja kojim će se obezbjediti da prečišćene otpadne vode prije ispuštanja u površinsku vodu moraju da zadovolje granične vrijednosti emisije iz tabele 1.1. (kolona 3.) Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20 i 96/20).
 - 2.11. U cilju praćenja kvaliteta ispuštene prečišćene otpadne vode, potrebno je da se na odvodnom kolektoru a prije ispusta u prijemnik, potok Lončić, predvidi izgradnja okna za monitoring, shodno članu 19. stav 4. Uredbe o uslovima ispuštanja otpadnih voda u okoliš i sisteme javne kanalizacije.
 - 2.12. U investiciono-tehničkoj dokumentaciji treba predvidjeti izgradnju bio postrojenja za prečišćavanje sanitarno-fekalnih otpadnih voda, a za vršenje monitoringa prečišćenih voda predvidjeti izgradnju monitoring okna, neposredno prije ispuštanja istih u definisani recipijent. Alternativa biološkom prečištaču je izgradnja vodonepropusnog septika, dimenzioniranog prema broju korisnika i broju pražnjenja, bez preliva i ventilisanu. Za održavanje i pražnjenje septika investitor se mora ugovorno vezati sa nadležnim javnim komunalnim preduzećem.
 - 2.13. Projektnom dokumentacijom potrebno je obuhvatiti cjelokupni prostor odobrenog eksploatacionog polja površinskog kopa „Bukvarine“.
 - 2.14. Investitor je dužan pribaviti mišljenje nadležnog organa uprave da je lokacija predmetnog površinskog kopa usklađena sa prostorno-planskom dokumentacijom i da se ista ne nalazi u zoni sanitarne zaštite izvorišta vode za piće, te da nije u koliziji sa programom zaštite Nacionalnog parka Una.
3. Investiciono-tehnička dokumentacija iz dispozitiva ovog rješenja treba biti izrađena i revidovana od strane pravnog lica koje ima Ovlaštenje izdato od strane Federalnog ministarstva poljoprivrede, vodoprivrede i šumarstva (sa liste «A»), a u skladu sa Pravilnikom o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti («Službene novine Federacije BiH», broj 17/08 i 38/12).
Projektna dokumentacija pored općih uvjetatreba da obradi sva pitanja definisana članom 5. Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH, broj: 31/15, 55/19, 41/20 i 63/22) koja su bitna za konkretan slučaj.
 4. Za upotrebu i korištenje voda kao i odvođenje sanitarnih otpadnih voda (u količini do 10 l/s), korisnik će zatražiti izdavanje vodnog akta od nadležnog Ministarstva za poljoprivredu, šumarstvo i vodoprivredu Unsko-sanskog kantona u skladu sa članom 139. stav 2. tačke 1. i 2. Zakona o vodama („Službene novine Federacije BiH“, broj 70/06).
 5. Ova prethodna vodna saglasnost se daje sa rokom važenja od 3 (tri) godine, od dana pravosnažnosti ovog Rješenja, u skladu sa članom 111 stav (3) zakona o vodama.

O b r a z l o ž e n j e

Investitor, „SINIAT“ d.o.o Bihać obratio se ovoj Agenciji dana 07.04.2023. godine sa zahtjevom za izdavanje prethodne vodne saglasnosti za prikupljanje, odvođenje, tretman i ispuštanje tehnoloških (industrijskih) otpadnih voda sa prostora i pratećih objekata površinskog kopa „Bukvarine“, u naselju Rajnovac, općina Bihać.

U provedenom postupku, uz zahtjev za izdavanje prethodne vodne saglasnosti dostavljena je i pregledana slijedeća dokumentacija:

- Ovjerena kopija Rješenja o upisu subjekta upisa u sudski registar, broj: 017-0-Reg-06-000 193, izdanog dana 03.03.2006. godine od strane Kantonalnog suda u Bihaću,

- Ovjereni kopiji Rješenja o izmjenama podataka, broj: 017-0-Reg-12-000473, izdanog dana 14.08.2012. godine od strane Općinskog suda u Bihaću,
- Ovjereni kopiji Uvjerjenja o poreznoj registraciji, izdanog dana 28.08.2012. godine od strane Porezne uprave Federacije BiH – Kantonalnog poreznog ureda BIHAĆ,
- Kopija uplatnice upravne pristojbe,
- Kopija Službene konstatacije na osnovu uvida u nove i stare katastarske planove, broj ;04/2-30-9727/07 od 12.09.2007. godine, 04/2-30-7934/08 od 23.10.2008. godine, 04/2-30-1341/09 od 09.02.2009. godine, 04/2-30-5262/07 od 11.05.2007. godine, 04/2-30-4026/08 od 02.04.2008. godine, 04/2-30-13405/08 od 14.11.2008. godine, 04/2-30-2837/09 od 11.03.2009. godine, 04/2-30-2837/09 od 27.03.2009. godine, 05/2-30-1256/10 od 10.02.2010. godine, 04/2-30-1341/09 od 18.03.2009. godine; izdanih od strane Službe za imovinsko-pravne poslove i katastar nekretnina općine Bihać, (prethodni spis),
- Kopija Izvoda iz posjedovnog lista 123/04, 11/03, 62/05, 131/05, 193/03, 193/03, 131/05, 59/04, 193/03, 62/05, 30/01, 100/01, 100/01, 93/04, 186/01, 187/02, 187/02, 53/02, 141/01, 123/04, 178/03, 59/04, 6/01, 123/04, 60/02, 78/04, izdanih od strane Službe za imovinsko-pravne i geodetske poslove općine Bihać pod brojem 05/2-30-1537 od 12.03.2013. godine, (prethodni spis),
- Kopija Rješenja, kojim se daje urbanistička saglasnost investitoru LAFARGE GYPSUM INTERNATIONAL, Lafarge Adria Gips d.o.o. iz Bihaća, sa sjedištem u Ulici 502. Viteške brigade br. 11, u Bihaću, za detaljna geološka istraživanja mineralne sirovine - gipsa, na lokalitetu Orašac - Kulen Vakuf (Brig, Bukvarine, Brižine), područje općine Bihać, na površini okonturenoj prelomnim tačkama od I do U i A, i koordinatama y i x, područje općine Bihać; izdanog od strane Federalnog ministarstva prostornog uređenja, pod brojem UPI/03-23-2-27/06, dana 22.10.2007. godine, u Sarajevu, (prethodni spis)
- Kopija Informacije, vezano za eksploataciju gipsa na lokalitetu Orašac - Kulen Vakuf, kao odgovor na akt, a u vezi projekta firme "Lafarge Adria gips" d.o.o. Bihać, date od strane Službe urbanog uređenja i građenja općine Bihać, broj 03/2-23-1-sl/10, dana 20.07.2010. godine, (prethodni spis)
- Situacioni prikaz eksploatacionog polja, (prethodni spis)
- Kopija Rješenja o prethodnoj vodnoj saglasnosti, izdanoj od strane Agencije za vodno područje rijeke Save pod brojem UP-I/25-1-40-686-8/19 dana 28.02.2020. godine,
- Saglasnost JP „Vodovod“ Bihać za eksploataciju mineralne sirovine gipsa da se eksploataciono polje ne nalazi u zoni sanitarne zaštite izvorišta vode za piće izdana pod brojem: 01-3536/19 od 23.12.2019. godine,
- Studija za izdavanje prethodne vodne saglasnosti za eksploataciju ležišta gipsa „Orašac-Kulen Vakuf“, urađene od strane „SPREČA“ d.o.o. Tuzla, pod brojem 05/1-310-2/10, aprila 2010. godine, za naručioca „LAFARGE ADRIA GIPS“ d.o.o. Bihać,

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozima, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Uskladu sa članom 124. stav 1. Zakona o vodama („Službene novine Federacije BiH“, broj 70/06) o zahtjevu je dana 17.04.2023. godine obaviještena javnost putem obavještenja na oglasnim pločama „Agencije za vodno područje rijeke Save“ u Sarajevu i Ureda u Bihaću, te 19.04.2023. godine u dnevnom listu Oslobođenje. U datom roku nije bilo pisanih izjašnjenja o predloženim aktivnostima iz zahtjeva.

U provedenom postupku konstatovano je slijedeće:

Nakon pregleda dostavljene dokumentacije konstatovano je da se površinski kop gipsa „Bukvarine“, nalazi na području općine Bihać, u naselju Rajnovci – Kulen Vakuf.

Ukupna površina eksploatacionog polja iznosi prema studiji 12,88 ha a ukupna površina istražnog polja 80,52 ha. Granica istražnog prostora je odobrena Rješenjem Federalnog ministarstva energije, rudarstva i industrije UPI/03-23-2-27/06 od 22.10.2007. godine.

Uvidom u priloženu situaciju lokaliteta koja se nalazi u sklopu Studije, konstatuje se da objekti nisu u koliziji sa interesima sektora voda, ne nalaze se u prostoru vodnog odnosno javnog vodnog dobra niti su u blizini zona sanitarne zaštite izvorišta vode za piće.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, kao i onemogućavanja degradacije kvaliteta voda, podnosiocu zahtjeva su ovim vodnim aktom, u tački 2. dispozitiva rješenja, shodno odredbama člana 111. Zakona o vodama («Službene novine Federacije BiH» broj 70/06) i člana 14. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 06/08, 57/09, 72/09 i 68/12), propisani uslovi koje je Investitor dužan ispuniti prilikom izrade projektne dokumentacije a koja će Investitoru biti potrebna u postupku pribavljanja vodne saglasnosti i odobrenja za građenje.

Na osnovu prednjeg i provedenog postupka, a shodno članu 111. Zakona o vodama («Službene novine Federacije BiH», broj 70/06), i člana 14. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 06/08, 57/09, 72/09 i 68/12) navedene su činjenice u dispozitivu ovog Rješenja.

Podnosilac zahtjeva je uplatio upravnu pristojbu od 80,0 KM u skladu sa članom 7. stav 1. tarifni broj 43. Zakona o federalnim upravnim taksama („Službene novine Federacije BiH“, broj 6/98, 8/00, 45/10 i 45/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,00 KM administrativne takse, prema tarifnom broju 3. Tarife federalnih upavnih taksi.

Obradivač akta:
Fuad Mujagić, dipl. inž.

Po ovlaštenju
Rukovodilac sektora za izdavanje
vodnih akata


Haris Ališehović, dipl. inž. građ.


Dostaviti:

- „SINIAT“ d.o.o. Bihać, 502. Viteške brigade br. 11, 57.000 Bihać (sjedište pravnog lica)
- Esad Mahmutović, Behdžeta Mutevelića br. 69, 71 000 Sarajevo (proslijediti poštu)
- AVP Sava, ISV – Vodna knjiga
- ☒ Sektor 40, arhiva
- Oglasna tabla AVP – Sava Sarajevo